

### Nota Penting

Sekiranya Orang Dilindungi membunuh diri semasa waras dalam masa setahun (1) dari tarikh sijil dikeluarkan atau sebarang tarikh pengembalian semula Sijil, Etiqa Takaful Berhad akan memulangkan jumlah sumbangan yang telah dibayar.

Walau bagaimanapun, Orang Dilindungi hanya berhak ke atas 60% daripada Jumlah Perlindungan sekiranya dia membunuh diri semasa waras selepas setahun (1) dari tarikh sijil dikeluarkan atau sebarang tarikh pengembalian semula Sijil.

Etiqa Takaful Berhad tidak akan melindungi sebarang ketidakupayaan yang disebabkan oleh peperangan, kesalahan undang-undang oleh Orang Dilindungi atau penglibatan di dalam sukan berbahaya.

Peserta akan diberi tempoh tangguh sehingga tiga puluh satu (31) hari dari tarikh akhir sumbangan perlu dibuat. Namun begitu, sekiranya sumbangan tidak dibayar selepas tempoh tangguh berakhir, Sijil akan dilanjutkan di bawah Kemudahan Sumbangan Automatik (ACF). Sijil akan ditamatkan sekiranya jumlah di dalam Dana Pelaburan Peserta digunakan sepenuhnya oleh ACF.

Sijil ini melayakkan Peserta mendapat pengecualian cukai tertakluk kepada keputusan muktamad Lembaga Hasil Dalam Negeri Malaysia. Risalah ini hanya sebagai rujukan dan tidak boleh diambil kira sebagai kontrak atau undangan untuk mengambil bahagian. Etiqa Takaful Berhad didaftarkan di bawah Akta Takaful 1984 dan dikawal oleh Bank Negara Malaysia.

Anda perlu memahami Pelan ini dengan baik bagi memastikan ia memenuhi keperluan anda sebaik-baiknya dan sumbangan yang perlu dibayar di bawah Sijil ini mengikut kemampuan anda.

Pada tarikh penamatan, matang atau tamat tempoh Sijil, semua manfaat di bawah Pelan ini akan luput. Prestasi pelaburan Dana adalah berdasarkan prestasi sebenar Dana dan ianya tidak dijamin.

Anda boleh menilai kesesuaian Pelan dan membatalkan penyertaan anda dalam masa lima belas (15) hari dari tarikh penghantaran Sijil, yang melayakkan anda menerima pembayaran balik sumbangan penuh yang telah dibuat, selepas ditolak sebarang perbelanjaan untuk pemeriksaan kesihatan (jika berkenaan).

Manfaat dan/atau pulangan pelaburan di bawah Pelan ini adalah mengikut prestasi Dana dan tidak dijamin. Risiko Dana akan ditanggung sepenuhnya oleh Peserta dan manfaat yang dinikmati mungkin kurang daripada jumlah sumbangan yang dibuat kepada Dana Pelaburan Peserta.

Sila pastikan bahawa anda merujuk kepada Ilustrasi Jualan berkaitan Sijil yang disediakan untuk anda oleh Etiqa Takaful Berhad.



ETB/AT/Harmoni/682011/BM/50000

Etiqa Oneline 1300 13 8888  
www.etiqa.com.my



Ditaja jamin oleh:

**etiqa**  
Takaful

**Etiqa Takaful Berhad** (266243D)  
(Didaftarkan di bawah Akta Takaful 1984  
dan dikawal oleh Bank Negara Malaysia)  
Level 19, Tower C, Dataran Maybank  
No 1, Jalan Maarof, 59000 Kuala Lumpur, Malaysia  
T +603 2297 3888 F +603 2297 3800

Ahli Kumpulan 

TAKAFUL

**Harmoni**

Pelan Simpanan Yang Memenuhi  
Aspirasi Anda



**eTiqa**  
Takaful

## Impian Masa Hadapan Lebih Cerah

Setiap individu mempunyai impian – kereta mewah, rumah besar mahupun kehidupan yang selesa selepas bersara. Sebagai individu yang bijak, anda tahu kepentingan menyimpan untuk masa hadapan yang lebih baik. Namun, ada kalanya sesuatu yang tidak diduga berlaku dan simpanan anda perlu digunakan semasa kecemasan.

Mengikut statistik, 19 orang\* dimasukkan ke hospital setiap jam; dianggarkan 1,035 orang meninggal dunia akibat kemalangan setiap tahun dan ramai yang tiada simpanan untuk kegunaan waris ataupun ahli keluarga. Berusahalah untuk masa hadapan yang lebih cerah kerana hidup ini penuh dengan ketidakpastian.

Sumber: \*World Health Organization 2004: Disease and Injury Country Estimates

### Gaya Hidup Lebih Baik dan Lindungi Masa Hadapan Keluarga Anda

Harmoni membantu anda memenuhi impian anda dan memberi perlindungan serta tabungan dengan hanya menyumbang RM70.00 sebulan. Anda juga boleh mengeluarkan sebahagian daripada wang anda dari Dana Pelaburan Peserta sekiranya perlu. Harmoni memberi ketenangan minda serta kelonggaran dalam pengurusan kewangan anda di samping Perlindungan Takaful.

Pada saat-saat yang tidak diduga, keluarga anda akan menerima kesemua Jumlah Dilindungi bagi meringankan beban kewangan mereka.


Dengan Harmoni, anda boleh menarik nafas lega memandangkan kewangan mereka yang anda sayangi terjamin.

### Ciri-Ciri Pelan

Prinsipal pelaburan anda mengikut kaedah Takaful – Pelan yang menepati Syariah di mana peserta bersetuju untuk membantu antara satu sama lain dengan membuat sumbangan secara Tabarru' (derma) ke dalam dana Takaful Keluarga. Sebagai pengurus kepada dana ini (mengikut konsep Wakalah), kami bertanggungjawab untuk memastikan ia berada di kedudukan yang baik demi pulangan dan manfaat yang berpatutan; serta membuat bayaran tepat pada masa-masa yang diperlukan oleh Peserta.

Sebagai wakil, Etiqa Takaful Berhad berhak menerima yuran Wakalah sebagai caj perkhidmatan. Yuran ini ditanggung oleh Peserta yang ditolak daripada bayaran sumbangan. Yuran sebenar bergantung kepada tahun Sijil dan terma sumbangan yang dipilih. Sila rujuk kepada Ilustrasi Jualan untuk maklumat lanjut.

Sekiranya terdapat lebihan sumbangan yang boleh diagihkan pada akhir tahun kewangan, ia akan dikongsi 50:50 di antara Peserta dan Etiqa Takaful Berhad. Jumlah tersebut akan dikreditkan ke dalam akaun/dana berbeza dan dibayar apabila Sijil ini tamat. Peserta tidak layak menerima lebihan tersebut jika dia telah membuat tuntutan di bawah Sijil ini pada tahun kewangan berkaitan. Sekiranya lebihan yang perlu dibayar kurang daripada RM10.00, maka lebihan tersebut akan didermakan kepada tabung kebajikan sebagai Amal Jariah (kebajikan) bagi pihak Peserta.



### Ciri-Ciri Utama

<b>Had Kelayakan Umur*</b>	Umur minima: 14 hari Umur maksima: 60 tahun
<b>Had Kelayakan Umur Peserta /Pemilik Sijil*</b>	Umur minima: 19 tahun Umur maksima: 60 tahun
<b>Had Umur Matang*</b>	Umur maksima: 88 tahun
<b>Perlindungan Manfaat*</b>	<ul style="list-style-type: none"> <li>• Kematian (mengikut terma Takaful atau sehingga berumur 88 tahun)</li> <li>• Hilang Upaya Menyeluruh dan Kekal (mengikut terma Takaful atau sehingga berumur 65 tahun)</li> </ul>
<b>Jumlah Dilindungi</b>	Jumlah Dilindungi minima: RM10,000.00 (tertakluk kepada sumbangan minima)  Jumlah Dilindungi maksima: tertakluk kepada persetujuan
<b>Sumbangan Minima</b>	RM70.00 bulanan atau RM840.00 tahunan
<b>Tempoh yang Ditawarkan</b>	10 tahun ke atas
<b>Kaedah Pembayaran</b>	Bulanan, suku tahunan, setengah tahunan atau tahunan

\*Umur pada hari lahir akan datang

Yuran Prestasi daripada Lebihan di dalam Dana Risiko Peserta dikongsi di antara anda (50%) dan Etiqa Takaful Berhad (50%).

Yuran Insentif daripada Keuntungan Pelaburan di dalam Dana Pelaburan Peserta dikongsi di antara anda (85%) dan Etiqa Takaful Berhad (15%).

### Tambah Nilai Pelan Anda

Sekiranya anda ingin menambah nilai Harmoni dengan lebih perlindungan dan kelonggaran, hanya pilih antara *riders* berikut:

- 1 *Rider* Manfaat Kematian dan Kecacatan Akibat Kemalangan
- 2 *Rider* Penyakit Kritikal
- 3 *Rider* Pengecualian Sumbangan untuk Penyakit Kritikal
- 4 *Rider* Pengecualian Sumbangan untuk Kematian dan Hilang Upaya Menyeluruh dan Kekal
- 5 *Rider* Manfaat Tunai Hospital
- 6 *Rider* Medic Save
- 7 *Rider* Bertempoh
- 8 *Rider* Indemniti Kemalangan
- 9 *Rider* Manfaat Pendapatan Keluarga
- 10 *Rider* Tambah Nilai Tetap

